

Z A K O N

O IZMJENAMA I DOPUNAMA ZAKONA O

UPRAVLJANJU OTPADOM

Član 1.

U Zakonu o upravljanju otpadom ("Službene novine Federacije BiH", broj 33/03) u članu 4. u definiciji za "tečni otpad" riječi: "uključujući otpadne vode, ali", brišu se.

U članu 4. dodaju se nove definicije:

""centar za upravljanje otpadom"- je sistem građevina i uređaja za tretman, povrat komponenti i/ili zbrinjavanje otpada;

"zbrinjavanje otpada" - je svaki postupak tretmana ili odlaganja otpada u skladu sa odredbama ovog Zakona."

Član 2.

U članu 6. iza stava 1. dodaju se st. 2., 3., 4. i 5. koji glase:

"Federalni plan upravljanja otpadom je provedbeni dokument Strategije iz člana 8. ovog Zakona i donosi se na period od pet godina.

Federalni plan upravljanja otpadom iz stava 2. ovog člana donosi Vlada FBiH na prijedlog Federalnog ministarstva okoliša i turizma (u daljnjem tekstu: Ministarstvo). Vlada FBiH može za upravljanje pojedinim kategorijama otpada donositi i pojedinačne planove.

Federalni plan upravljanja otpadom iz stava 2. ovog člana objavljuje se u "Službenim novinama Federacije BiH".

Nadzor nad provedbom Federalnog plana upravljanja otpadom iz stava 2. ovog člana vrši Ministarstvo.

Ministarstvo je dužno jednom godišnje, do 30. juna tekuće godine za prethodnu godinu, podnositi Vladi FBiH izvještaj o izvršenju utvrđenih obaveza i učinkovitosti poduzetih mjera iz plana upravljanja otpadom."

Član 3.

U članu 8. u stavu 1. riječ "šest" zamjenjuje se riječju "deset", a u stavu 2. riječi: "Federalno ministarstvo prostornog uređenja i okoliša" zamjenjuju se riječima: "Federalno ministarstvo okoliša i turizma".

Član 4.

U članu 9. u stavu 2. iza riječi: "Federacije BiH" dodaju se riječi: "i Federalnim planom upravljanja otpadom".

Član 5.

U članu 12. u stavu 1. riječi: "tretmana otpada" zamjenjuju se riječima: "upravljanja otpadom".

Član 6.

U članu 16. u stavu 4. u alineji 1. riječi: "posebnim propisom;" zamjenjuju se riječima: "provedbenim propisima;".

Član 7.

U članu 19. u stavu 2. iza riječi "kod" dodaju se riječi: "postojećih i".

Stav 3., briše se.

U stavu 4. koji postaje stav 3. riječ "tri" zamjenjuje se riječju "pet".

Član 8.

U članu 33. u naslovu, iza riječi "Odlaganje" dodaju se riječi: "i tretman".

U stavu 1. iza riječi "odlaganja" dodaju se riječi: "i tretmana".

U stavu 1. u alineji 2. riječi: "termalna obrada" zamjenjuju se riječima: "termički tretman".

U stavu 1. u alineji 3. riječ "obrade." zamjenjuje se riječju "tretmane."

Stav 2. mijenja se i glasi:

"Prioritet u izdavanju potrebnih dozvola za nove deponije imaju regionalne deponije."

Dodaje se stav 3. koji glasi:

"Sastavni dio deponija je centar za upravljanje otpadom."

Član 9.

U članu 38. dodaje se stav 2. koji glasi:

"Federalni ministar će provedbenim propisom dodatno regulirati prekogranični promet otpada."

Član 10.

U članu 39. u naslovu iza riječi: "Prekogranični promet" dodaju se riječi: "opasnog otpada".

U stavu 3. u alineji 1. riječi: "a u slučaju izvoza opasnog otpada", brišu se.

U stavu 4. riječi: "U slučaju izvoza opasnog otpada", brišu se.

Član 11.

U članu 40. u naslovu iza riječi: "Prekogranični promet" dodaje se riječ: "opasnog".

U stavu 4. riječi: "u slučaju opasnog otpada", brišu se.

Član 12.

U članu 41. u naslovu iza riječi: "Prekogranični promet" dodaje se riječ "opasnog".

U stavu 2. riječi: "u slučaju opasnog otpada", brišu se.

Član 13.

U članu 53. dodaje se stav 3. koji glasi:

"Novčanom kaznom u iznosu od 1.500,00 KM kaznit će se fizičko lice za prekršaj iz stava 1. ovog člana."

Član 14.

U članu 55. stav 1. mijenja se i glasi:

"Ako su postojeća postrojenja deponije koje već imaju dozvolu, ne mogu nastaviti rad ukoliko ne podnesu plan prilagođavanja upravljanja otpadom."

St. 2., 3., 4. i 5., brišu se.

Dosadašnji stav 6. postaje stav 2.

Član 15.

U članu 58. iza stava 5. dodaju se st. 6., 7., 8. i 9. koji glase:

"Propis iz člana 38. stav 2. donijet će federalni ministar u roku od tri mjeseca od dana stupanja na snagu ovog zakona.

Propis iz člana 4. stav 1. iz definicije za "otpad" donijet će se u roku od šest mjeseci od dana stupanja na snagu ovog zakona.

Provedbene propise iz člana 16. donijet će federalni ministar za sljedeće vrste otpada: ambalažni, oprema koja sadrži polihlorirane bifenile - PCB i polihlorirane terfenile - PCT, otpadne gume, stara vozila, baterije i akumulatore, otpadna ulja, električni i elektronski otpad, otpadni azbest, titan-dioksid, u roku od godinu dana od dana stupanja na snagu ovog zakona.

Provedbeni propis iz člana 16. koji se tiče građevinskog otpada donijet će federalni ministar u saradnji sa federalnim ministrom prostornog uređenja u roku od godinu dana od dana stupanja na snagu ovog zakona." Dosadašnji st. 6. i 7. postaju st. 10. i 11.

Član 16.

Ovaj zakon stupa na snagu osmog dana od dana objavljivanja u "Službenim novinama Federacije BiH".

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Safet Softić

PREDSJEDAVAJUĆI
DOMA NARODA
PARLAMENTA FEDERACIJE BiH

Stjepan Krešić